

ღია კაიშაური. მთიულური ტექსტები .

ლექსი ბურდულებზე.

აქედამ თათრები შემოგვსევია, იქიდან დვალნი. თურმე გარეკეს მთელი ახალგაზრობა აზატხანის ომში. აქედანაც მოვიდა ხმა: „მოდინო“. გაიგეს ხალხმა. ხნიერი ხალხი შაშინდა; „ჩონი საქმე ცერად არისო“. კაცებმა უთხრეს ერთურთს; „ ავდგეთ, წავიდეთ, სანამდე შინ არ მოგვიხდებოდნენო“ და შეიყარნენ და დახვდნენ დარიალში; ბურდულები, კობაიძეები. გახდა ბრძოლა.

ერთი ხადელი კაცის გამოლექსილია;

დარიალში შაიბნენ, გაუთენებლივ დ ილითო,
ივანე ნადიბაიძე შელესილ იყო რკინითო.
გვერდს ახლდა ბურდული გარსევანი, გული და მკლავი რკინისო,
მისთიბდენ მტრისა ლაშქარსა, როგორც მთიბელი თივასო.
სიბერე ახლდა გარსევანს, გამზრდელსა შვიდი შვილისა,
მაგრამ ხომ იცით, ათისგან ასი არ მოიკვლებიო.
გატეხეს თემი სიმძლავრით, დღევ გაუთენეს ჭირისო,
მძიმე ყალანი დაადვეს, როგორც უღელი რკინისო.

ეხლა უთხრეს იმათ, ორი კაციდა დაარჩინეს. ეხლა ჩვენი დვალნები გადმოვლენ თავისი თორმეტი კაცითაო, ამათ უნდა დაუხვდეთ სოფელიო.

პირითა მოდიმართო, ლომი ხარი დაუკლათ,
ღვინოც ასმიოთ ჭიხვითო, დანვება, ქალი მოჰგოროთ,
ნაზარდი ლერნამ ტანზედო, დანვება,
ვიდრე თავად სურს იმათთან წოლა- ძილიო.

ჰოდა, ეხლა დაბრუნდენ დაღონებული: „უთხრეს ჩვენი საქმე ცერად არისო“. შამაუთვალეს:

ოსეთს იყრება ლაშქარი, სალმი უძღვება წინაო,
„გადვიდეთ მთიულეთშია, ნადვარევს დავდგათ ბინაო,
ვარჩიოთ ქალი და რძალი „ სალუდს მიუძღვათ წინაო“
ეგ რო გაიგეს მთიულეთს წელზე შაიბეს რკინაო.

ეს გარსევანი ხო იქ იბრძოდა დარიალში. ჰოდა გარსევანი იქ მოკლეს. აქ იმისი ექვსი შვილი აზათხანის ომში იყვნენ წასულები. ეს დვალნი ნაღვარევი არიან და მლეთაში უნდა მოვდნენ.

ამ დროს მოვიდნენ ომიდან შვილები გარსევნისო,
ექვს-ექვსი ვაჟი ერთადა, ექვსივე მსგავსი გმირისო.
ექვს ძმას დაუხდა სახში და, დაღონებულის პირითო,
თუმც ლამაზია ეგეთი, ვითა მზის სხივი დილისო,
გლოვობდა მამის დაღუპვას, დვალნის დანვენას ქალისო,
ამ დროს მოვიდნენ ბიჭები გადანაყარი ჭირისო.

ქალმა დაუთვალა:

ძმებსა შასჩივლა თავის დამ დაღონებულის პირითო.
ეს რომ გაიგეს ბიჭებმა, დადგნენ პირქუშნი პირითო,
„სანამდის უნდა ვატაროთ ესე სირცხვილი კისრითო“.

ეხლა ფიქრობენ ეს ძმები და

ძმებმა შესჩივლეს ერთმანეთს პირობა შაკრეს ფიცისო,
დვალნი რო მოვა, გავაძლოთ ის სამუდამო ძილითო.
ბიჭებმა გარსევანისამ ვადა გასინჯეს ხმალისაო,
თითოს ორ-ორო შაგვხვდება, ვაგემოთ გემო მკლავისო.

ეგრე გადანყვიტეს ამ ბიჭებმა და მოიხმეს ვაჟუკაცები, რომლითაც იმედი ქონდათ. ჯერ გათხარეს დიდი ორმო. და სადაც ის ძაღლები იყვნენ. შამაუთვალეს:

დაგიხვდენ ბურდულთ სოფელი
პირითა მომღიმართო.

რო მოვლენ; ლომაი ხარიც დაუკლეს, ღვინოც ასმიეს ჯიხვითაო. ხმლებიც მზათა აქვთ, კარების უკან დაკიდული.

დიდხან არ დააგვიანა დვალმა მოთხოვნა ქალისო,
ეხლა მომგვარეთ მნათობი, დროა წოლის და ძილისო.

უსებ შეცვივდნენ ბიჭები

ხმალამონვიდლნი შაცვივდენ, როგორც ლეკვები ლომისო,
თორმეტსავ დაიჭრეს თავები, ხმა არ გასულა ომისო.
ერთად ჩაყარეს ორმოში, როგორც გოჭები ღორისო.

(ბურდულები დღესაც არ ჰყოლობენ ღორს)

ესეც იცოდნენ ბიჭებმა
დრო დადგებოდა ბრძოლისაო.

მოიხმეს მთელი თემი, შეიყარნენ. ერთი გაგაძე ყოფილა ოსეთში გაზდილი, რომელმაც იცოდა იქაური ლაპარაკი. უთხრეს: „ჩვენ შიგნით მოვემზადებით“.

საუღელად სალმის ჯარისო, სეთურთას გავჭრით კანაოს,

ზედ შავახამებთ ტოტებით, ხევის ტოტებით მწვანისო.

„შენაო მიდი სალმისთანაო; უთხარ,რო, გაისწყვიტეს ჩვენებით. ჩვენ კი სეთურთას დავხვდებითო, „გაქცეული ცხენიანი კაცი ვერ გაფრინდებისკე“.

ცეცხლის შუქებით დავხვდებით კანაოს თავზე გაღმითო,

ჩვენაც დავხვდებით იმათა, ჩვენი ვეფხური ქცევითო.

ესე გაგაზე წავიდა, შეასრულა დავალება. სალმის ეახლა, უთხრა; ფინთად არი ჩვენი საქმე, ჩვენი დვალნები დახოცეს მთიულთა, ცეცხლი მიუდეს კვართათო.

ეს რომ გაიგო სალმიმა, მიდის და მოდის ქმენითო.

ხალხის სარბოლავ სოფელში კაცებს აგზავნის ცხენითო.

მოგროვდა ოსის ლასქარი, თოფ-იარაღის უღერითო,

შვიდი ათასი ვაჟკაცი კარგა ნაწურთნი ცხენითო.

მთიულეთს გამოემგზავრნენ, სამკლავიანი ხელითო,

თემს უპირებენ აკლებას, დანვას ცეცხლითა ცხელითო.

უნდა გასწყვიტონ მთიულნი ხმლების და შუბის წვერითო;

გაგაძე უფრო[და] ამხედრებს, ცაშილა ჰკიდებს ქებითო;

„მენ ვიცი მაგათი ადათი, მოექცეთ მაგათი წესითო,

(ხოლოთა) მთლიანი ძალა ვიხმართ ამ სიბნელეში ღამითო.

და როცა ამოვიდნენ გუდაურში და გადმაიხედეს, აჩვენა ცეცხლის შუქები.

აგერა ნახეთ თვალითო, მანდა დგას მთიულთ ლაშქარი

გადალესილი რკინითო, დავესხნეთ მოულოდნელათ

ამ სიბნელეში ღამითო. თვითონ ჯარს უკან მოექცა

ამოღებულის ხმალითო, ვისაც მისწვდება არ ზოგავს

„დაბლა ჩამოჰყრის ცხენითო.

რას ხედვენ, არ ხედვენ, ცვივიან შიგ, თან მარგილებზე ეცემიან.

შვილებსა გარსევანისა ვერ გასძლებოდით ცქერითო,

მისთიბდენ მტრისა ლაშქარსა, როგორც მთიბელი თივასაო.

ყელი გამოსჭრეს სალმისა, თავის მარჯვენა ხელითო,

ასი კაციღა გადარჩა, დამალულიყო ზევითო.

(გამიხსენოდით მაინც, რამდენი ლექსი დამათვლევინეთ)

გაგაძე წამაენია პიროფლიანი ცხენითაო, ჩამაუძღვა ჩახათ კარისკენ;

„მაბრუნდით, ასე მაშყვით, გზა ესე ჩადის ქვეითო“

კლდეს გადაყარა ყველაყა, თავები გაჭრა ხმალითო.

ერთი კაციღა დარჩა ჩაბუკა. უთხრა გაგაძეს;

„ეგრემც განყდება თქვენი ძე,

რიგორც ჩვენი ძე გაგინყვეტნიაო“.

და ესრემც განყვეტილები არიან გაგაძეები. იმან რო დანყველა, ჯეელები მაგათი არ ხეირობენ.

მემრე შაიკრიფებიან ეს ჩვენი მთიულები. ეხლა უფალმა ბრძანაო;

ეხლა მათ სახში შეესმას უფალს ტირილი ქალისო.

ცამ გადიყარა გულიდან ღრუბლები ავი დარისო.

ამოიყარეთ მტრის ჯავრი, სადარდო რაღა არისო,

შემოიკრიფენ ბიჭები სიმღერითა და ლხინითო.

მემრე ეს თემი, ხო დიდი სახელი მოიპოვეს ამ ბრძოლაში ბურდულებმა, და თქვეს; „რითი დაგაჭილდოვოთო“? მოდიო

ლომისის ტაძარი გადავცეთ,

ქალი უთხოვარია, სუფრა უწევარია.

ქალის სათხოვრად რო მივლენ ბურდულები, უარი არ უნდა უთხრან.

დაასაჩუქრეს, გადასცეს წინამძღოლობა თემისო,

დიდი ლომისის ტაძარი, გასაღებლები ვარისო,

რომელიც მოენონება, ცოლად მოყვანა ქალისო,

გამრავლდეს საქართველოში მთლად ბურდულების გვარისო.

ამის შემდეგ დაისვენა საქართველომ, დღემდის ჩვენს მოხუცებულს აქუს გასაღები. თუ ბურდულმა არ დაუკლას საკლავი, არ ღებულობს ლომისა, ეგეც ღვთისგან არის.

მლეთა

ქვემო

